

**დეპოზიტის ხელშეკრულების
სტანდარტული პირობები**

შინაარსი

1. ტერმინთა განმარტებები	3
2. განცხადებები და გარანტიები	4
3. ანაზრით სარგებლობის პირობები.....	4
4. ხელშეკრულების მოქმედება და ხელშეკრულების შეწყვეტა	5
5. კომუნიკაცია	6
6. კონფიდენციალურობა	6
7. ხელშეკრულების ცვლილება	7
8. პრეტენზიები და დავები	7
9. ფორს-მაჟორი.....	7
10. გადასახადები	7
11. დასკვნითი დებულებები.....	7

1. ტერმინთა განმარტებები

1.1. თუ წინამდებარე სტანდარტული პირობებით სხვა რამ არ არის განსაზღვრული ან/და მისი კონტექსტიდან სხვა რამ არ გამომდინარეობს, ქვემოთ მოცემულ ტერმინებს ენიჭება შემდეგი მნიშვნელობა:

1.1.1. ანგარიში - ბანკში არსებული მენაბრის საბანკო ანგარიშ(ებ)ი, მათ შორის ანაბრის ანგარიში, ანაბრის მომსახურე ანგარიში, მიმდინარე ანგარიში, საბანკო ანგარიში და სხვა;

1.1.2. დეპოზიტი - ბანკის მიერ მენაბრისთვის შეთავაზებული/მიწოდებული ნებისმიერი ტიპის ანაბარი, მიმდინარე და საბანკო ანგარიში, რომელსაც ერიცხება პროცენტი;

1.1.3. ანაბარი - ხელშეკრულების საფუძველზე და მისი პირობების შესაბამისად, მენაბრის მიერ ბანკისათვის განსაზღვრული ან განსაზღვრული ვადით საკუთრებაში გადაცემული ფულადი თანხა;

1.1.4. ანგარიშზე სარგებლის დარიცხვა - დეპოზიტის სახე, რომლის დროსაც ხელშეკრულების საფუძველზე და მისი პირობების შესაბამისად გახსნილ მიმდინარე ან/და საბანკო ანგარიშზე ბანკის მიერ ხორციელდება საპროცენტო სარგებლის დარიცხვა;

1.1.5. ანაბრის ანგარიში - ანგარიში, რომელზეც ირიცხება მენაბრის მიერ ბანკისთვის გადაცემული ფულადი თანხები;

1.1.6. მიმდინარე/საბანკო ანგარიში - ანგარიში, რომელზე განთავსებულია კლიენტის საკუთრებაში არსებული ფულადი თანხა. მიმდინარე/საბანკო ანგარიშზე დეპოზიტის ხელშეკრულების სტანდარტულ პირობებთან ერთად ვრცელდება ფიზიკური პირის მომსახურების პირობები ან/და იურიდიული პირის საბანკო მომსახურების პირობები (კლიენტის კატეგორიის შესაბამისად), რომელიც განთავსებულია ბანკის ვებ-გვერდზე - <https://libertybank.ge/ka/>;

1.1.7. ანაბრის მომსახურე ანგარიში - ბანკის მიერ განსაზღვრული ანგარიში, რომელიც გამოიყენება ანაბართან დაკავშირებული საბანკო ოპერაციების საწარმოებლად (უნივერსალური (ლიბერტი) ანგარიში, სოციალური ანგარიში, იურიდიული პირის მიმდინარე ანგარიში და სხვა);

1.1.8. დეპოზიტის ხელშეკრულება (ანაბრის ხელშეკრულება/ანგარიშზე სარგებლის დარიცხვის ხელშეკრულება) - ბანკსა და მენაბრეს შორის, მატერიალური, ელექტრონული ან სხვა მსგავსი საშუალებ(ებ)ის გამოყენებით გაფორმებული ხელშეკრულება, რომლითაც განისაზღვრება ხელშეკრულების გაფორმების მომენტისათვის, ბანკის კონკრეტული საბანკო/საბანკო პროდუქტით სარგებლობის ძირითადი პირობები და რომელსაც მენაბრე ეთანხმება ხელმოწერის ან ელექტრონული ფორმით განხორციელებული ქმედების (ლიკაპზე დაქრა, ანგარიშზე თანხის ჩარიცხვა, სმს კოდის მოთხოვნა, ვერიფიკაცია და სხვა) საფუძველზე. ელექტრონული თანხმობა ითვლება მენაბრის მიერ მატერიალურ დოკუმენტზე თანხმობის განცხადების/ნების გამოხატვის თანაბარი იურიდიული ძალის მქონედ. დეპოზიტის ხელშეკრულება წარმოადგენს ერთიანი ხელშეკრულების განუყოფელ ნაწილს და განთავსებულია მენაბრისათვის ხელმისაწვდომ, ბანკის მიერ განსაზღვრულ ელექტრონულ არხში;

1.1.9. ბანკი - სს „ლიბერტი ბანკი“ (ს/კ 203828304), რომელიც წარმოადგენს ხელშეკრულების მხარეს;

1.1.10. განცხადებები და გარანტიები - წინამდებარე სტანდარტული პირობების მე-2 მუხლში მოცემული მენაბრის განცხადებები და გარანტიები;

1.1.11. დანართი - წინამდებარე სტანდარტული პირობები, ასევე ნებისმიერი დამატებითი დოკუმენტი, რომელიც აზუსტებს, ცვლის, ან/და წყვეტს ხელშეკრულებას ან/და მის პირობებს და წარმოადგენს ერთიანი ხელშეკრულების განუყოფელ ნაწილს;

1.1.12. ელექტრონული არხი - ბანკის მიერ განსაზღვრული მოწყობილობები, პროგრამული უზრუნველყოფები ან/და სხვადასხვა ელექტრონული არხები (მათ შორის და არამარტო მობილური ტელეფონი, ინტერნეტ ბანკი, USSD მენიუ, ვებგვერდი ან/და სხვა ელექტრონული ხელსაწყო / პროგრამული უზრუნველყოფა), რომლის საშუალებითაც მენაბრეს ეძლევა საშუალება დაეთანხმოს ხელშეკრულებას, გაეცნოს ხელშეკრულების თავსართის, ანაბრის ხელშეკრულების, სტანდარტული პირობების ტექსტს და მათში განხორციელებულ ცვლილებებს/დამატებებს (ასეთის არსებობისას), ასევე აწარმოოს საბანკო ოპერაციები ან/და მიიღოს მის ანგარიშთან დაკავშირებული ინფორმაცია ბანკში მიუსვლელოდ;

1.1.13. ვადიანი ანაბარი - ხელშეკრულების საფუძველზე და მისი პირობების შესაბამისად, მენაბრის მიერ ბანკისათვის განსაზღვრული ვადით საკუთრებაში გადაცემული ფულადი თანხა, რომელსაც ბანკი არიცხავს სარგებელს და ხელშეკრულებით განსაზღვრულ(ი) ვადაში/პერიოდულობით უბრუნებს მენაბრეს ანაბარზე დარიცხულ სარგებელთან ერთად (ასეთის არსებობის შემთხვევაში). ვადიანი ანაბრის ტიპის ბანკის სადეპოზიტო პროდუქტებს წარმოადგენს: ვადიანი ანაბარი, დარიცხვადი ანაბარი, სხვა არსებული ან/და ბანკის მიერ მომხმარებლ(ებ)ისათვის მომავალში შეთავაზებული ვადიანი

ანაბრის ტიპის საბანკო სადეპოზიტო პროდუქტი, რომელზეც გავრცელდება წინამდებარე სტანდარტული პირობებით განსაზღვრული მოთხოვნები;

1.1.14. ინტერნეტ ბანკი - ბანკის ერთ-ერთი ელექტრონული არხი, რომლის მეშვეობითაც მენაბრეს შესაძლებლობა აქვს ბანკში გამოუცხადებლად, ბანკის ინტერნეტ გვერდის <http://365.ge> საშუალებით, გაეცნოს ხელშეკრულების თავსართს, ანაბრის ხელშეკრულებას, სტანდარტულ პირობებს და მათში განხორციელებულ ცვლილებებს/დამატებებს (ასეთის არსებობისას), მიიღოს სხვადასხვა ინფორმაცია და აწარმოოს განსაზღვრული საბანკო ოპერაციები;

1.1.15. კანონმდებლობა - საქართველოს მოქმედი საკანონმდებლო და კანონქვემდებარე ნორმატიული აქტების, აგრეთვე საქართველოს ნორმატიულ აქტთა სისტემაში მოქცეული საქართველოს საერთაშორისო ხელშეკრულებების და შეთანხმებების ერთობლიობა;

1.1.16. კონფიდენციალური ინფორმაცია - თუ ხელშეკრულებით სხვა რამ არ არის განსაზღვრული, ხელშეკრულების ხელმოწერის ან/და მისი შესრულების შედეგად ერთერთი მხარის მიერ მეორე მხარის შესახებ მიღებული, დამუშავებული, შექმნილი ან/და გაგზავნილი ნებისმიერი ინფორმაცია/დოკუმენტაცია (მათ შორის ინფორმაცია/დოკუმენტაცია მხარის პერსონალური, წილობრივი, ფინანსური მონაცემების, მხარის მფლობელი/მმართველი/ურთიერთდაკავშირებული პირ(ებ)ის, მესამე პირ(ებ)თან არსებული გარიგებ(ებ)ის, მფლობელობაში არსებული მოძრავი ან/და უძრავი ობიექტ(ებ)ის, ბიზნეს პროცესის/პროცედურების, მარკეტინგული სტრატეგიის, პროექტ(ებ)ის ან/და სხვა სახის მონაცემების შესახებ) ან/და სხვა მნიშვნელოვანი ინფორმაცია/დოკუმენტაცია;

1.1.17. მესამე პირ(ებ)ი - ნებისმიერი პირი, რომელიც არ წარმოადგენს ხელშეკრულების მხარეს;

1.1.18. მენაბრე/კლიენტი - დეპოზიტის ხელშეკრულებაში მითითებული პირი, რომელიც წარმოადგენს ხელშეკრულების მხარეს. წინამდებარე პირობების მიზნებისთვის, მენაბრეში მოიაზრება კლიენტი და პირიერთად;

1.1.19. მობილური ტელეფონი - ფიჭური კავშირგაბმულობის ქსელში ჩართული ტელეფონი;

1.1.20. მოთხოვნამდე ანაბარი - ხელშეკრულების საფუძველზე და მისი პირობების შესაბამისად, მენაბრის მიერ ბანკისათვის განსაზღვრული ვადით საკუთრებაში გადაცემული ფულადი თანხა, რომელსაც ბანკი ხელშეკრულებით განსაზღვრული მოცულობით არიცხავს სარგებელს და მენაბრის მოთხოვნის შემთხვევაში უბრუნებს მას დარიცხულ სარგებელთან ერთად (ასეთის არსებობის შემთხვევაში). მოთხოვნამდე ანაბრის ტიპის ბანკის სადეპოზიტო პროდუქტებს წარმოადგენს: შემნახველი ანაბარი, შემნახველი ანაბარი „მეტი“, სხვა არსებული ან/და ბანკის მიერ მომხმარებლ(ებ)ისთვის მომავალში შეთავაზებული მოთხოვნამდე ანაბრის ტიპის საბანკო სადეპოზიტო პროდუქტი, რომელზეც გავრცელდება წინამდებარე სტანდარტული პირობებით განსაზღვრული მოთხოვნები;

1.1.21. მხარე/მხარეები - ბანკი ან/და მენაბრე კონტექსტის შესაბამისად;

1.1.22. პირი/პირები - ფიზიკური პირ(ებ)ი, იურიდიული პირ(ებ)ი (მათ შორის საჯარო სამართლის იურიდიული პირ(ებ)ი), არასამეწარმეო (არაკომერციული) იურიდიული პირ(ებ)ი ან/და კანონმდებლობის საფუძველზე შექმნილი სხვა ორგანიზაციული/არარეგისტრირებული წარმონაქმნი(ებ)ი;

1.1.23. სააგენტო ან დეპოზიტების დაზღვევის სააგენტო - „დეპოზიტების დაზღვევის სისტემის შესახებ“ საქართველოს კანონის მიზნებისათვის შექმნილი დამოუკიდებელი საჯარო სამართლის იურიდიული პირი - დეპოზიტების დაზღვევის სააგენტო;

1.1.24. საბანკო დღე - ბანკის მიერ დადგენილი სამუშაო დღის (ბანკის მიერ განსაზღვრული დასვენების ან/და კანონმდებლობით დადგენილი უქმე დღეების გარდა) ის ნაწილი, რომლის განმავლობაშიც ბანკი ახორციელებს საბანკო მომსახურებას;

1.1.25. საპროცენტო განაკვეთი/პროცენტი - ხელშეკრულების საფუძველზე განსაზღვრული და ანაბრის თანხაზე ბანკის მიერ დასარიცხი სარგებლის წილი (წელიწადში 365 (სამას სამოცდახუთი) კალენდარული დღე) საპროცენტო განაკვეთის მოცულობა;

1.1.26. სარგებელი/დარიცხული სარგებელი - ბანკის მიერ დეპოზიტის ხელშეკრულებიდან გამომდინარე მენაბრისათვის გადასახდელი სარგებელი, რომელიც გამოითვლება ხელშეკრულებით დადგენილი პირობების შესაბამისად;

1.1.27. სტანდარტული პირობები ან პირობები¹ - წინამდებარე დოკუმენტით დადგენილი სტანდარტული პირობები, რომელიც წარმოადგენს დეპოზიტის ხელშეკრულების დანართს და განთავსებულია მენაბრისათვის ხელმისაწვდომ, ბანკის მიერ განსაზღვრულ ელექტრონულ არხში;

1.1.28. ფორს-მაჟორე/ფორს-მაჟორული გარემოებ(ებ)ი - ხელშეკრულების ხელმოწერის შემდეგ წარმოშობილი დაუძლეველი ძალის გარემოებები, სტიქიური მოვლენები, კატაკლიზმები, ომი, სამოქალაქო არეულობა, გაფიცვა, ლოკაუტი, კარანტინი, საკანონმდებლო, აღმასრულებელი ხელისუფლების ან/და თვითმმართველობის ორგანოების, საერთაშორისო საგადაზღველო

¹ წინამდებარე პირობების ამოქმედებამდე გახსნილ შემთხვევაში და სოციალურ ანაბრებზე გავრცელდება დეპოზიტის ხელშეკრულების სტანდარტული პირობების 2019 წლის 01 იანვრის რედაქცია.

სისტემების გადაწყვეტილებები და ა.შ. რომელიც: (ა) არ არის დაკავშირებული მხარეთა ქმედებასთან ან/და უმოქმედებასთან; და (ბ) შეუძლებელს ხდის მხარეთა მიერ ხელშეკრულებით ნაკისრი ვადადამსული ვალდებულებების სრულ და ჯეროვან შესრულებას;

1.1.29. ხელშეკრულება - მხარეთა შორის გაფორმებული: (ა) ხელშეკრულების თავსართი (ანაბრის ხელშეკრულების მნიშვნელოვანი პირობები/ანგარიშზე სარგებლის დარიცხვის ხელშეკრულების მნიშვნელოვანი პირობები); (ბ) დეპოზიტის ხელშეკრულება (გ) წინამდებარე სტანდარტული პირობები და (დ) მენაბრის მიერ ბანკისათვის წარდგენილი განაცხად(ებ)ის, ან/და ნებისმიერი დამატებითი განაცხად(ებ)ის/დანართ(ებ)ის ერთობლიობა, რომელიც დაიდო/დაიდება ხელშეკრულებასთან დაკავშირებით და წარმოადგენს მის განუყოფელ ნაწილს;

1.1.30. ხელშეკრულების თავსართი (ანაბრის ხელშეკრულების მნიშვნელოვანი პირობები/ანგარიშზე სარგებლის დარიცხვის ხელშეკრულების მნიშვნელოვანი პირობები) - მატერიალური, ელექტრონული ან სხვა მსგავსი საშუალებ(ებ)ის გამოყენებით შექმნილი და მენაბრისათვის მიწოდებული წერილობითი ინფორმაცია, რომლითაც მენაბრე ეცნობა ანაბრის/ანგარიშზე სარგებლის დარიცხვის ძირითად პირობებს (პროცენტი, ფინანსური ხარჯები და სხვა სახელშეკრულებო ინფორმაცია, რომლის მენაბრისათვის მიწოდებაც მოთხოვნილია კანონმდებლობით). ხელშეკრულების თავსართი წარმოადგენს ერთიანი ხელშეკრულების განუყოფელ ნაწილს და განთავსებულია მენაბრისათვის ხელმისაწვდომ, ბანკის მიერ განსაზღვრულ ელექტრონულ არხში;

1.2. ხელშეკრულებაში მხოლოდ რიცხვში გამოყენებული ტერმინები ან/და სიტყვები უნდა იყოს აღქმული მრავლობით რიცხვში (და პირიქით), თუ თავად ხელშეკრულების შესაბამისი პირობის კონტექსტისა და სხვა რამ არ გამოიმდინარეობს.

2. განცხადებები და გარანტიები

2.1. მენაბრე აცხადებს და გარანტიას იძლევა, რომ:

2.1.1. წარმოადგენს უფლებამოსიან და ქმედუნარიან პირს, რომელსაც ხელშეკრულების დადების მიზნით მოპოვებული აქვს ყველა საჭირო თანხობა, ნებართვა ან/და დავალება (მინდობილობა);

2.1.2. მის (მენაბრის) მიერ ხელშეკრულების დადება ან/და შესრულება არ მოდის წინააღმდეგობაში კანონმდებლობასთან, არ იწვევს სხვა სახელშეკრულებო ურთიერთობებით ნაკისრი/განსაზღვრული ვალდებულებების დარღვევას და არ წარმოშობს მესამე პირ(ებ)ისათვის ხელშეკრულებაზე შევილების უფლებას;

2.1.3. ხელშეკრულების დადების მიზნით, ბანკისათვის წარდგენილი ინფორმაცია არის უტყუარი და ზუსტი, ხოლო წარდგენილი დოკუმენტები წარმოადგენს სრულ და მოქმედ რედაქციას;

2.1.4. ხელშეკრულების დადების მიზნით, ბანკის ან/და მესამე პირ(ებ)ის მხრიდან ადგილი არ ჰქონია, მენაბრის ან მისი ახლობლების მიმართ იძულებას, მოტყუებას ან/და მუქარას, ბანკს არ გამოუყენებია ბოროტად ბანკის საბაზრო ძალაუფლება;

2.1.5. არ წარმოადგენს საქართველოს საგადასახადო კოდექსით გათვალისწინებულ მეწარმე ფიზიკურ პირს.

2.1.6. მენაბრე სრულად გაეცნო და მისთვის (მენაბრისთვის) მისაღება ხელშეკრულების თავსართში მოცემული ინფორმაცია, დეპოზიტის ხელშეკრულების პირობები დაწინამდებარე სტანდარტული პირობები;

2.2. მენაბრე ვალდებულია დაუყოვნებლივ შეატყობინოს ბანკს ნებისმიერი გარემოებ(ებ)ის შესახებ, რამაც შესაძლოა გამოიწვიოს ხელშეკრულებაში მითითებული განცხადებებისა და გარანტიების ან/და ხელშეკრულებით ნაკისრი ნებისმიერი ვალდებულებ(ებ)ის დარღვევა.

2.3. მხარეები აცხადებენ და თანხმდებიან, რომ ხელშეკრულებას დაემატება განცხადებებსა და გარანტიებზე დაყრდნობით და თვლიან მათ ხელშეკრულების პირობებად. შესაბამისად, ხელშეკრულებით გათვალისწინებული განცხადებების და გარანტიების დარღვევა საკმარის საფუძველს წარმოადგენს ბანკის მიერ ხელშეკრულებაზე ცალმხრივი უარის სათქმელად.

3. ანაბრით სარგებლობის პირობები

3.1. მოთხოვნამდე ანაბრით სარგებლობის პირობები

3.1.1. მოთხოვნამდე ანაბრის თანხის განთავსება და გაცემა. შენატანები. მოთხოვნამდე ანაბრზე თავდაპირველი და შემდგომი მინიმალური და მაქსიმალური შენატანების ოდენობა და პერიოდულობა არ არის შეზღუდული.

² იმ მენაბრებს, რომლებსაც ბანკში უკვე გააჩნიათ შემნახველი ანაბარი/ანაბრები ერთ ვალუტაში, 2019 წლის 29 მაისიდან მიეცემა შესაძლებლობა ისარგებლონ ოთხ ვალუტაში შემნახველი ანაბრით და იმავე შემნახველ ანაბრის ანგარიშზე (ერთზე მეტი შემნახველი ანაბრის არსებობის შემთხვევაში, ერთ-ერთ მათგანზე ბანკის შეხედულებასამებრ) ანაბრის თანხა განათავსონ შემდეგ ვალუტებში: ლარი, აშშ დოლარი, ევრო, გირვანქა სტერლინგი. ოთხვალუტანი შემნახველი ანაბრის ხელშეკრულების პირობების (მათ შორის მნიშვნელოვანი პირობების) სანახავად, გთხოვთ, ეწვიოთ ლინკს: <http://bit.ly/2K7OHEE>, ხოლო

3.1.2. მენაბრე უფლებამოსილია ნებისმიერ საბანკო დღეს ანაბრის ანგარიშიდან სრულად (ანაბრის ხელშეკრულებაში მითითებული ანაბრის ან/და მასზე დარიცხული სარგებლის განაღდების დღიური ლიმიტის ფარგლებში) ან ნაწილობრივ გაიტანოს/გადარიცხოს ანაბარი ან/და მასზე დარიცხული სარგებელი (ასეთის არსებობისას), ამასთან ანაბრის ან/და მასზე დარიცხული სარგებლის (ასეთის არსებობისას) ნაღდი ანგარიშსწორების წესით გატანისას, თანხის განაღდება განხორციელდება ანაბრის ანგარიშიდან ბანკის ფილიალის/სერვის ცენტრების საშუალებით, ხოლო უნაღდო ანგარიშსწორების წესით განაღდებისას - ანაბრის მომსახურე ანგარიშზე თანხის გადარიცხვის გზით.

3.1.3. მოთხოვნამდე ანაბრზე სარგებლის დარიცხვა და მისი გაცემა.

3.1.3.1. შემნახველ ანაბრზე სარგებლის დარიცხვა განხორციელდება ყოველი საბანკო დღის ბოლოს შემნახველი ანაბრის ანგარიშზე არსებულ ნაშთზე შესაბამისი შემნახველი ანაბრის ხელშეკრულებაში მითითებული საპროცენტო განაკვეთის გათვალისწინებით.

3.1.3.2. შემნახველ ანაბრზე „მეტ“ სარგებლის დარიცხვა განხორციელდება ყოველთვიურად, 1 (ერთი) თვის განმავლობაში შემნახველ ანაბრზე „მეტ“ უწყვეტად განთავსებულ მინიმალურ ნაშთზე.

3.1.3.3. ბანკი უფლებამოსილია დარიცხული სარგებელი (ასეთის არსებობისას) მოთხოვნამდე ანაბრის ანგარიშზე ასახოს/წარიცხოს იმავე მოთხოვნამდე ანაბრის ხელშეკრულებით განსაზღვრული პირობით, ყოველი კალენდარული თვის ბანკის მიერ განსაზღვრულ რიცხვში.

3.1.4. დამატებითი პირობები მოთხოვნამდე ანაბრისთვის.

3.1.4.1. ბანკი უფლებამოსილია მოთხოვნამდე ტიპის ანაბრებს დაარიცხოს განსხვავებული საპროცენტო განაკვეთი ანგარიშის სატარიფო პაკეტების შესაბამისად, კერძოდ, სხვადასხვა სატარიფო პაკეტში შემავალ მოთხოვნამდე ტიპის ანაბრს შესაძლოა ბანკმა დაარიცხოს განსხვავებული საპროცენტო სარგებელი.

3.1.4.2. სატარიფო პაკეტის ცვლილების შემთხვევაში, შესაბამისი სატარიფო პაკეტისთვის დადგენილი ანაბრის საპროცენტო სარგებლის მიღებისთვის, მენაბრე ვალდებულია გააფორმოს ბანკთან ანაბრის სარგებლის ცვლილების შესახებ ორმხრივი შეთანხმება. მიუხედავად ზემოაღნიშნულისა, ბანკი უფლებამოსილია მენაბრის ბანკისთვის განაცხადით მომართვა შესაბამისი სატარიფო პაკეტის ცვლილების თაობაზე მიიწიოს მოთხოვნამდე ტიპის ანაბრის საპროცენტო განაკვეთის ცვლილებაზე თანხმობად და ორმხრივი შეთანხმების არარსებობის მიუხედავად ცალმხრივად შეცვალოს მოთხოვნამდე ანაბრზე დასარიცხი საპროცენტო სარგებლის ოდენობა.

3.1.4.3. ბანკი მენაბრეს სთავაზობს ოთხვალუტანი მოთხოვნამდე ანაბრის გახსნის შესაძლებლობას, რაც საშუალებას მისცემს მენაბრეს ანაბრის ანგარიშზე თანხა ერთდროულად ან ცალ-ცალკე განათავსოს ოთხ განსხვავებულ ვალუტაში (ლარი, აშშ დოლარი, ევრო, გირვანქა სტერლინგი). ამასთან, ბანკი იტოვებს უფლებას მოთხოვნამდე ანაბრის გახსნის მსურველ მენაბრეს პირველი მოთხოვნამდე ანაბარი გაუხსნას ოთხივე ვალუტაში, ხოლო ყოველი შემდგომი მოთხოვნამდე ანაბრის გახსნის შემთხვევაში, საკუთარი შეხედულებისამებრ, მისცეს მენაბრეს საშუალება მოთხოვნამდე ანაბრის ვალუტად თავად აირჩიოს ერთ-ერთი ზემოთ მითითებული ვალუტა.

3.2. ვადიანი ანაბრით სარგებლობის პირობები

3.2.1. ანაბრის თანხის განთავსება. შენატანები. ხელშეკრულების საფუძველზე, მენაბრე ბანკს ანიჭებს უფლებამოსილებას, ბანკმა მენაბრის ანაბრის მომსახურე ანგარიშიდან უაქცეპტო წესით ჩამოჭრას ანაბრის ხელშეკრულებაში მითითებული ანაბრზე თავდაპირველი/მინიმალური შენატანის მოცულობა და უზრუნველყოს მისი გადატანა მენაბრის ანაბრის ანგარიშზე. ამასთან, თუ ანაბრის მომსახურე ანგარიშზე ზემოაღნიშნული თანხა არ არსებობს ან არასაკმარისია, მენაბრე ვალდებულია ხელშეკრულების გაფორმებისთანავე უზრუნველყოს აღნიშნული თანხის თავის ანაბრის მომსახურე ანგარიშზე განთავსება.

3.2.2. თუ მენაბრე უფლებამოსილია შესაბამისი ანაბრის ხელშეკრულებით განსაზღვრული თავდაპირველი/მინიმალური შენატანის გარდა, ანაბრის ანგარიშზე მოახდინოს დამატებითი შენატან(ებ)ის განთავსება, დამატებითი შენატან(ებ)ის მინიმალური და მაქსიმალური ოდენობა განისაზღვრება იმავე ანაბრის ხელშეკრულებით. სხვა შემთხვევაში მენაბრე არ არის უფლებამოსილი მოითხოვოს ბანკისგან ანაბრის ანგარიშზე დამატებითი შენატან(ებ)ის განთავსება.

3.2.3. სარგებლის დარიცხვა. ბანკი ვალდებულია დაარიცხოს ანაბრის სარგებელი შესაბამის ანაბრის ხელშეკრულებაში მითითებული საპროცენტო განაკვეთის გათვალისწინებით, ხოლო ანაბრის ხელშეკრულებით განსაზღვრული ვადის ამოწურვისას დაუბრუნოს მენაბრეს მის მიერ შემოტანილი ანაბარი.

ხელშეკრულების მატერიალური ფორმით მისაღებად მომზადდეთ ბანკის ნებისმიერ ფილიალში / სერვის ცენტრში.

³ წინამდებარე დეპოზიტის სტანდარტულ პირობებში გამოყენებულ ტერმინში „ანგარიშის სატარიფო პაკეტი/სატარიფო პაკეტი“ იგულისხმება ბანკის მიერ შესაბამისი პაკეტისთვის დადგენილი პროცენტების ერთობლიობა, რომლითაც სარგებლობს მენაბრე.

3.2.4. თუ მენაბრესა და ბანკს შორის გაფორმებულია ანაბრის ხელშეკრულება („დაგროვებადი“ ანაბარი), მენაბრის შემდგომ შენატანებს სარგებელი დაერიცხება ანაბრის ხელშეკრულების დარჩენილი ვადისთვის ბანკში დადგენილი შესაბამისი წლიური საპროცენტო განაკვეთის მოცულობით.

3.2.5. ანაბრის ან/და მასზე დარიცხული სარგებლის გაცემა, ბანკი ვალდებულია მენაბრის ანაბრის მომსახურე ანგარიშზე ჩაურიცხოს დარიცხული სარგებელი შესაბამისი ანაბრის ხელშეკრულებით განსაზღვრული პირობით, იმის გათვალისწინებით, რომ:

3.2.5.1. თუ ანაბრის ხელშეკრულებით განსაზღვრულია სარგებლის მენაბრისათვის წინასწარ გაცემა, სარგებელი მენაბრის ანაბრის მომსახურე ანგარიშზე ჩაირიცხება ხელშეკრულების ხელმოწერის დღეს;

3.2.5.2. თუ ანაბრის ხელშეკრულებით განსაზღვრულია სარგებლის მენაბრისათვის ყოველთვიურად გაცემა, სარგებელი ანაბრის მომსახურე ანგარიშზე ჩაირიცხება ყოველი მომდევნო თვის იმავე რიცხვში, რომელშიც გაფორმდა ანაბრის ხელშეკრულება. ხოლო, თუ ანაბრის მოქმედების კონკრეტულ კალენდარულ თვეში არ არსებობს ანაბრის ხელშეკრულების გაფორმების კალენდარული რიცხვი, სარგებლის ჩარიცხვა ანაბრის მომსახურე ანგარიშზე განხორციელდება აღნიშნული კალენდარული თვის ბოლო რიცხვში;

3.2.5.3. თუ ანაბრის ხელშეკრულებით განსაზღვრულია სარგებლის მენაბრისათვის ანაბრის მოქმედების ვადის ბოლოს გაცემა, სარგებელი მენაბრის ანაბრის მომსახურე ანგარიშზე ჩაირიცხება ანაბრის ხელშეკრულებაში მითითებული ანაბრის მოქმედების ვადის ბოლო კალენდარულ დღეს.

3.2.6. მენაბრე უფლებამოსილია ანაბარი ან/და მასზე დარიცხული სარგებელი (ასეთის არსებობის შემთხვევაში) მოითხოვოს/გაიტანოს (გადარიცხოს) მხოლოდ ანაბრის ხელშეკრულებაში მითითებულ ვადაში და პერიოდულად.

3.2.7. ანაბრის ხელშეკრულებაში („დაგროვებადი“ ანაბარი) მითითებულ ანაბრის მოქმედების ვადაზე ადრე ანაბრის ნებისმიერი შენატანის თანხის სრულად ან ნაწილობრივ მოთხოვნა/გატანა (გადარიცხვა) ჩაითვლება მენაბრის მხრიდან ხელშეკრულების ვადაზე შეწყვეტად (დარღვევად), რა შემთხვევაშიც ბანკი ანაბრის დაარიცხავს სარგებელს სტანდარტული პირობების 4.3.2 ქვეპუნქტში მითითებული პირობების მიხედვით.

3.3. სხვა დამატებითი პირობები. ბანკი უფლებამოსილია განკარგოს ანაბრის ანგარიშზე რიცხული თანხა საკუთარი სახელითა და შეხედულებისამებრ.

3.4. ანგარიშზე სარგებლის დარიცხვის პირობები

3.4.1. ანგარიშზე სარგებლის დარიცხვა და მისი გაცემა

3.4.1.1. ბანკსა და კლიენტს შორის გაფორმებული ანგარიშზე სარგებლის დარიცხვის ხელშეკრულებით ბანკი კლიენტის ხელშეკრულებით განსაზღვრულ ანგარიშზე განთავსებულ თანხებს დაარიცხავს სარგებელს ხელშეკრულებით განსაზღვრული მოცულობით და პირობების შესაბამისად.

3.4.1.2. ანგარიშზე სარგებლის დარიცხვა განხორციელდება ყოველი საბანკო დღის ბოლოს ანგარიშზე არსებულ ნაშთზე შესაბამისი ანგარიშზე სარგებლის დარიცხვის ხელშეკრულებაში მითითებული საპროცენტო განაკვეთის გათვალისწინებით.

3.4.1.3. ბანკი უფლებამოსილია დარიცხული სარგებელი (ასეთის არსებობისას) ანგარიშზე ასახოს/ჩარიცხოს იმავე ანგარიშზე სარგებლის დარიცხვის ხელშეკრულებით განსაზღვრული პირობით, ყოველი კალენდარული თვის ბანკის მიერ განსაზღვრულ რიცხვში.

3.4.2. დამატებითი პირობები ანგარიშზე სარგებლის დარიცხვისთვის:

3.4.2.1. ანგარიშზე სარგებლის დარიცხვის ხელშეკრულებაზე გარდა დეპოზიტის ხელშეკრულების სტანდარტული პირობებისა, ვრცელდება ფიზიკური პირის მომსახურების პირობები, ან/და იურიდიული პირის საბანკო მომსახურების პირობები (კლიენტის კატეგორიის შესაბამისად), რომელიც განთავსებულია ბანკის ვებ-გვერდზე - <https://libertybank.ge/ka/>.

3.4.2.2. ბანკი უფლებამოსილია ანგარიშზე დაარიცხოს განსხვავებული საპროცენტო განაკვეთი ანგარიშის სატარიფო პაკეტების შესაბამისად. კერძოდ, სხვადასხვა სატარიფო პაკეტში შემავალ ანგარიშს შესაძლოა ბანკმა დაარიცხოს განსხვავებული საპროცენტო სარგებელი.

3.4.2.3. სატარიფო პაკეტის ცვლილების შემთხვევაში, შესაბამისი სატარიფო პაკეტისთვის დადგენილი ანგარიშზე დასარიცხი საპროცენტო სარგებლის მიღებისთვის, კლიენტი ვალდებულია გააფორმოს ბანკთან ანგარიშზე სარგებლის დარიცხვის ცვლილების შესახებ ორმხრივი შეთანხმება. კლიენტი აცნობიერებს, რომ მხოლოდ ახალი სატარიფო პაკეტის შექმნა არ გულისხმობს შექმნილი პაკეტისთვის განსაზღვრული ანგარიშზე დასარიცხი საპროცენტო განაკვეთის მის ანგარიშზე გაგრძელებას, შესაბამისი ახალი სატარიფო პაკეტისთვის განკუთვნილი, ანგარიშზე დასარიცხი საპროცენტო განაკვეთი გაგრძელდება მხოლოდ კლიენტის მიერ ბანკთან ანგარიშზე სარგებლის დარიცხვის ცვლილების შესახებ ორმხრივი შეთანხმების გაფორმების შემთხვევაში.

3.5. ხელშეკრულების მოქმედების განმავლობაში მენაბრეს, ბანკის წინასწარი წერილობითი თანხმობის გარეშე, უფლება არა აქვს განახორციელოს ხელშეკრულებით გათვალისწინებული ანაბრის ან/და სარგებლის (ასეთის არსებობის შემთხვევაში) დაგროვება ან/და ხელშეკრულებიდან გაკომდინარე ანაბრის ან/და სარგებლის (ასეთის არსებობის შემთხვევაში) თანხაზე მოთხოვნის უფლების დათმობა.

3.6. თუ ბანკთან გაფორმებული შესაბამისი ხელშეკრულებ(ებ)ის (შემდგომში - ძირითადი ხელშეკრულებ(ებ)ა) საფუძველზე, ანაბარი წარმოადგენს უზრუნველყოფის საგანს, მენაბრე ძირითადი ხელშეკრულების

მოქმედების მანძილზე უარს ამბობს მის უფლებაზე ვადაზე სრულად ან ნაწილობრივ შეწყვიტოს/მოშალოს ანაბრის ხელშეკრულება(ები) ან/და სრულად ან ნაწილობრივ მოითხოვოს ანაბრის თანხა.

3.7. მენაბრე აცხადებს წინასწარ თანხმობას ბანკის სრულ უფლებამოსილებაზე, ბანკმა საკუთარი შეხედულებისამებრ:

3.7.1. მენაბრის ბანკში არსებული ნებისმიერი სახის ანგარიშიდან უაქცეპტოდ ჩამოწეროს ყველა გადასახდელი (მათ შორის ერთმნიშვნელოვნად საკომისიო, პირგასამტეხლო, ზიანის/ზარალის ანაზღაურების თანხები) და მიმართოს მენაბრის ბანკის მიმართ არსებული ფულადი ვალდებულების ან/და სხვა ვალდებულებების დასაფარად/შესამცირებლად (ასეთების არსებობისას);

3.7.2. თუ გადასახდელი და ანგარიშზე რიცხული თანხა სხვადასხვა ვალუტაშია, ბანკმა თავად განახორციელოს კონვერტაცია გადახდის თარიღისათვის ბანკში მოქმედი კომერციული კურსით, ხოლო კონვერტაციის მომსახურების ღირებულება (ასეთის არსებობისას) ასევე უაქცეპტოდ ჩამოწეროს მენაბრის ანგარიშებიდან.

3.7.3. მენაბრე აცხადებს წინასწარ თანხმობას ბანკის სრულ უფლებამოსილებაზე, ბანკმა მესამე პირ(ებ)ის მიერ ანაბარზე განთავსების მიზნით ანაბრის მომსახურე ანგარიშზე ჩარიცხული/შემოტანილი თანხები, უაქცეპტო წესით ჩამოჭრას და უზრუნველყოს მათი გადატანა ანაბრის ანგარიშზე.

3.8. მენაბრე ვალდებულია სრულად შეინახოს ხელშეკრულებასთან დაკავშირებული დოკუმენტაცია.

3.9. ანაბრის პროლონგაცია. ანაბრის პროლონგაცია წარმოადგენს მენაბრის ბანკში არსებული დეპოზიტის მოქმედების ვადის გასვლის შემდეგ ავტომატური გაგრძელების შესაძლებლობას, რომელსაც სთავაზობს ბანკი კლიენტს იგივე ტიპის ანაბარზე, დეპოზიტის პროლონგაციის მომენტში ბანკში მოქმედი პირობების შესაბამისად.

3.10. მენაბრე უფლებამოსილია ანაბრის ავტომატური პროლონგაციით სარგებლობის შესახებ სურვილი დააფიქსიროს ანაბრის გახსნის მომენტშივე ან შემდგომ ანაბრის ვადის გასვლამდე ნებისმიერ დროს ბანკში შესაბამისი განცხადებით მომართვის გზით.

3.11. ბანკი უფლებამოსილია მენაბრის მიერ შესაბამისი განცხადებით მომართვის შემთხვევაში, მოახდინოს ანაბრის პროლონგაცია, მენაბრის მიერ განცხადებით დაფიქსირებული ვადით.

3.12. ანაბრის პროლონგაცია ყოველ ჯერზე განხორციელდება განცხადებით დაფიქსირებული ვადით, სანამ მენაბრე არ დააფიქსირებს პროლონგაციის შეწყვეტის სურვილს შესაბამისი განცხადებით პროლონგაციის პირობის გაუქმების მოთხოვნით მომართვის გზით.

3.13. თუ მენაბრის ანაბრის პროლონგაცია შესრულდება წარმატებით, პროლონგირებული ანაბრის საპროცენტო განაკვეთი განისაზღვრება პროლონგაციის მომენტში ბანკში მოქმედი საპროცენტო განაკვეთით, რომელიც გაეზარდება მენაბრეს პროლონგაციის შესრულებიდან არაუგვიანეს 5 (ხუთი) საშუალო დღის ვადაში ბანკში დაფიქსირებულ საკონტაქტო მონაცემებზე.

3.14. მენაბრის მიერ პროლონგაციის უფლებით სარგებლობის შემთხვევაში, ბანკი უფლებამოსილია დარიცხული სარგებლის მენაბრისთვის გაცემა განახორციელოს პროლონგაციამდე არსებული ანაბრის მოქმედების ვადის ბოლოს.

3.15. ანაბრის პროლონგაცია არ განხორციელდება თუ მენაბრის საბანკო ანგარიშების მიმართ გამოყენებულია ვალდებულების უზრუნველყოფის ღონისძიებები (მათ შორის, ინკასო/ყადადა) საქართველოს კანონმდებლობის შესაბამისად ან/და დეპოზიტი გამოყენებულია სხვა ვალდებულებ(ებ)ის (მათ შორის, საკრედიტო ან/და სხვა ტიპის ხელშეკრულებ(ებ)იდან წარმოშობილი ვალდებულებ(ებ)ის) უზრუნველყოფის საშუალებად.

3.16. ბანკი შესაძლებლობას აძლევს მენაბრეს მოახდინოს ანაბრის მოქმედების ვადის გაგრძელება შემდეგი პირობებით:

3.16.1. ვადაიან ანაბრის პროლონგაცია შესაძლებელია მხოლოდ დეპოზიტის ძირითადით; ან

3.16.2. დაგროვებადი ანაბრის პროლონგაცია შესაძლებელია როგორც დეპოზიტის ძირითადით (დანამატების ჯამი), ასევე ძირის (დანამატების ჯამს) და დარიცხული პროცენტის ჯამური თანხით, იმ შემთხვევაში თუ დეპოზიტზე დარიცხული საპროცენტო სარგებლის გაცემა ხდება ანაბრის მოქმედების ვადის ბოლოს.

3.17. მენაბრის მიერ ანაბრის პროლონგაციის თაობაზე ბანკისათვის განცხადებით მიმართვა არ ავალდებულებს ბანკს მოახდინოს მენაბრის ანაბრის მოქმედების ვადის გაგრძელება/პროლონგაცია.

3.18. იმ შემთხვევაში თუ მენაბრის ანაბრის პროლონგაცია ვერ შესრულდა წარმატებით, ბანკი მას (მენაბრეს) აღნიშნულის თაობაზე აცნობებს წერილობით ბანკში დაფიქსირებულ საკონტაქტო მონაცემებზე.

3.19. მენაბრის მიერ ბანკისათვის ანაბრის პროლონგაციის მოთხოვნით მიმართვის მომენტშიდან ანაბრის მოქმედების ვადის გაგრძელებამდე პერიოდში, მენაბრე უფლებამოსილია გააუქმოს ანაბრის პროლონგაციის მოთხოვნა აღნიშნულის შესახებ ბანკში განცხადების დაფიქსირების გზით.

4. ხელშეკრულების მოქმედება და ხელშეკრულების შეწყვეტა

4.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე.

4.2. მოთხოვნამდე ანაბრის ხელშეკრულების ვადაზე შეწყვეტა

4.2.1. ხელშეკრულებით ან/და კანონმდებლობით განსაზღვრულ შემთხვევებში და პირობებით შესაძლებელია მოთხოვნამდე ანაზრის ხელშეკრულების ვადამდე შეწყვეტა:

4.2.1.1. ბანკის მიერ, თუ მენაბრე სრულად და ჯეროვნად არ შესრულებს ხელშეკრულებით განსაზღვრულ ნებისმიერ ვალდებულებას (მათ შორის, განცხადებებს და გარანტიებს);

4.2.1.2. ბანკის მიერ, თუ ანაზრის ანგარიშზე 1 (ერთი) კალენდარული წლის განმავლობაში არ დაფიქსირდება დადებითი ნაშთი;

4.2.1.3. მხარეთა წერილობითი შეთანხმებით;

4.2.1.4. ხელშეკრულებით ან/და კანონმდებლობით გათვალისწინებულ სხვა შემთხვევებში (მათ შორის მენაბრის მიერ ბანკისათვის 10 (ათი) კალენდარული დღით ადრე გაგზავნილი წერილობითი შეტყობინების საფუძველზე).

4.2.2. ხელშეკრულების შეწყვეტის შემთხვევაში, სარგებლის ანაზრის ანგარიშზე ჩარიცხვის/ასახვის დღიდან ხელშეკრულების შეწყვეტამდე არსებულ პერიოდში, ბანკი ყოველი კალენდარული დღის ბოლოს ანაზრის ანგარიშზე არსებულ ნაშთებს დაარიცხავს სარგებელს შესაბამის მოთხოვნამდე ანაზრის ხელშეკრულებაში მითითებული საპროცენტო განაკვეთის გათვალისწინებით, ხოლო დარიცხულ სარგებელს ანაზრის ანგარიშზე ასახავს/ჩარიცხავს ხელშეკრულების შეწყვეტის (დარღვევის) დღეს.

4.3. ვადიანი ანაზრის ხელშეკრულების ვადამდე შეწყვეტა

4.3.1. ხელშეკრულებით ან/და კანონმდებლობით განსაზღვრულ შემთხვევებში და პირობებით შესაძლებელია ხელშეკრულების ვადამდე შეწყვეტა:

4.3.1.1. ბანკის მიერ, თუ მენაბრე სრულად და ჯეროვნად არ შესრულებს ხელშეკრულებით განსაზღვრულ ნებისმიერ ვალდებულებას (მათ შორის, განცხადებებს და გარანტიებს);

4.3.1.2. ბანკის მიერ, თუ მენაბრე ბანკისაგან მოითხოვს ვადიანი ანაზრის ან/და მასზე დარიცხული სარგებლის სრულად ან ნაწილობრივ ვადაზე ადრე გატანას (გადარიცხვას);

4.3.1.3. მხარეთა წერილობითი შეთანხმებით;

4.3.1.4. ხელშეკრულებით ან/და კანონმდებლობით გათვალისწინებულ სხვა შემთხვევებში (მათ შორის მენაბრის მიერ ბანკისათვის 10 (ათი) კალენდარული დღით ადრე გაგზავნილი წერილობითი შეტყობინების საფუძველზე).

4.3.2. ხელშეკრულების ვადაზე ადრე შეწყვეტის (დარღვევის) შემთხვევაში სარგებლის კალკულაცია განხორციელდება შემდეგი პრინციპით: შესაბამის ვადიანი ანაზრის ხელშეკრულებაში მითითებული პროცენტი, გაანგარიშებული ანაზრის შემოტანიდან ფაქტობრივად გასული დღეების რაოდენობაზე. იმ შემთხვევაში, თუ მენაბრეს უკვე მიღებული აქვს თავის ანაზრეზე დარიცხული სარგებელი (ასეთის არსებობის შემთხვევაში), იგი (სარგებელი) გამოიქვითება ანაზრის ან/და ხელშეკრულების ვადაზე ადრე შეწყვეტის შედეგად დარიცხული სარგებლიდან და ბანკის მიერ ჩამოიჭრება მენაბრის ანაზრის მომსახურე ანგარიშიდან უაქცეპტო წესით.

4.4. ანგარიშზე სარგებლის დარიცხვის ხელშეკრულების ვადამდე შეწყვეტა:

4.4.1. ხელშეკრულების ვადამდე შეწყვეტა შესაძლებელია:

4.4.1.1. ბანკის მიერ, თუ კლიენტი სრულად და ჯეროვნად არ შესრულებს ხელშეკრულებით განსაზღვრულ ნებისმიერ ვალდებულებას (მათ შორის, განცხადებებს და გარანტიებს);

4.4.1.2. მხარეთა წერილობითი შეთანხმებით;

4.4.1.3. ბანკის მიერ ნებისმიერ სხვა შემთხვევაში კლიენტისთვის არანაკლებ 1 (ერთი) თვით ადრე წერილობით / ელექტრონული ფოსტით / ინტერნეტ ბანკით / მობილ ბანკით ან მოკლე ტექსტური შეტყობინებით გაგზავნილი შეტყობინების საფუძველზე.

4.5. ხელშეკრულების შეწყვეტის სხვა პირობები

4.5.1. ხელშეკრულების შეწყვეტა არ ათავისუფლებს მენაბრეს ხელშეკრულებით ნაკისრი ან/და კანონმდებლობით დადგენილი ვალდებულებების სრულად და ჯეროვნად შესრულებისაგან (გადახდისაგან) ამგვარი ვალდებულების იძულებითი ან ნებაყოფლობითი შესრულების მომენტამდე.

4.5.2. თუ ხელშეკრულებით სხვა რამ არ არის განსაზღვრული, ხელშეკრულების შეწყვეტის შემთხვევაში ბანკი თავისუფლდება ხელშეკრულებით ნაკისრი ან/და კანონმდებლობით დადგენილი ვალდებულებების სრულად და ჯეროვნად შესრულებისაგან.

4.5.3. ხელშეკრულების შეწყვეტის ან მისი მოქმედების ვადის ამოწურვის შემთხვევაში, ანაზარი ან/და მასზე დარიცხული სარგებელი (ასეთის არსებობისას) ბანკის მიერ ჩარიცხება მოთხოვნამდე ტიპის ანაზრის შემთხვევაში ანაზრის ხელშეკრულებაში მითითებულ ანაზრის ანგარიშზე, ხოლო ვადიანი ტიპის ანაზრის შემთხვევაში - ანაზრის ხელშეკრულებაში მითითებულ ანაზრის მომსახურე ანგარიშზე და ბანკი შეწყვეტს ანაზრეზე სარგებლის დარიცხვას.

4.5.4. ბანკი უფლებამოსილია დეპოზიტის ხელშეკრულების საფუძველზე კონკრეტული საპროცენტო სარგებლის დარიცხვა განსაზღვროს მხოლოდ შესაბამისი სატარიფო პაკეტის შექმნის შემთხვევაში. შესაბამისად, თუ მენაბრე ადარ ისარგებლებს აღნიშნული სატარიფო პაკეტით, ბანკი უფლებამოსილია შეწყვიტოს შესაბამისი დეპოზიტის ხელშეკრულება, რის თაობაზეც მენაბრეს ადარ გაეზავნება დამატებითი შეტყობინება.

5. კომუნიკაცია

5.1. მხარეთა შორის ნებისმიერი ურთიერთობა უნდა განხორციელდეს წერილობითი ფორმით და მიეწოდოს მხარეს ხელშეკრულებაში ან/და ბანკთან არსებულ სხვა ხელშეკრულებ(ებ)ში მითითებულ საკონტაქტო მონაცემებზე პირადად, კურიერის (მათ შორის რეგისტრირებული ფოსტის ან/და სასამართლო კურიერის), ელექტრონული ფოსტის, ფიქური კავშირგაბმულობის (მოკლექტესტური შეტყობინების), ინტერნეტ ბანკის, მობილ ბანკის ან/და ბანკის მიერ შემდგომში განსაზღვრული კომუნიკაციის სხვა საშუალებებით, იმის გათვალისწინებით, რომ:

5.1.1. მენაბრის მიერ ბანკისათვის პირადად ან/და კურიერის საშუალებით გაგზავნილი შეტყობინება ჩაბარებულად ითვლება ბანკის კანცელარიაში შეტყობინების რეგისტრაციის დღეს, ხოლო ელექტრონული ფოსტის მისამართზე გაგზავნისას, ბანკის მიერ - მენაბრისათვის მიღების დამადასტურებელი საპასუხო ელექტრონული წერილის გაგზავნის დღეს;

5.1.2. ბანკის მიერ მენაბრისათვის კურიერის (მათ შორის რეგისტრირებული ფოსტის ან/და სასამართლო კურიერის) საშუალებით გაგზავნილი შეტყობინება ჩაბარებულად ითვლება მენაბრისათვის ჩაბარების დღეს, ხოლო აღნიშნული ჩაბარების დადასტურების არ არსებობის შემთხვევაში მენაბრის მისამართზე შეტყობინების ნებისმიერი პირისთვის ჩაბარებიდან მომდევნო კალენდარულ დღეს;

5.1.3. ბანკის მიერ მენაბრისათვის ელექტრონული ფოსტის საშუალებით გაგზავნილი შეტყობინება ჩაბარებულად ითვლება მენაბრის ელექტრონული ფოსტის სერვერიდან მიღებული დასტურის (ადრესატის ელექტრონულ ფოსტაში რეგისტრაციის შესახებ შეტყობინების) გაცემის დღეს. ხოლო ასეთი დასტურის არ არსებობის შემთხვევაში მომდევნო კალენდარულ დღეს;

5.1.4. ბანკის მიერ მენაბრისათვის ფიქური კავშირგაბმულობის (მოკლექტესტური შეტყობინების), ინტერნეტ ბანკის, მობილ ბანკის ან/და ბანკის მიერ შემდგომში განსაზღვრული კომუნიკაციის სხვა საშუალებებით გაგზავნილი შეტყობინება ჩაბარებულად ითვლება შეტყობინების გაგზავნიდან მომდევნო კალენდარულ დღეს.

5.2. თუ მენაბრე ხელშეკრულებით გათვალისწინებული ნებისმიერი საკონტაქტო მონაცემის (მათ შორის ხელშეკრულებაში არსებული ნებისმიერი რეკვიზიტის) ცვლილების შესახებ წინასწარ არ შეატყობინებს ბანკს ან/და უშუალოდ ან საკონტაქტო პირის საშუალებით უარს განაცხადებს ხელშეკრულების საფუძველზე გაგზავნილი შეტყობინების მიღებაზე, ან გაგზავნილი შეტყობინება ვერ ჩაბარდება მენაბრეს მისამართზე არაფონის მიზეზით ზედიზედ ორჯერ, ბანკის მიერ განხორციელებული ნებისმიერი ასეთი შეტყობინება ჩაითვლება ჩაბარებულად შეტყობინების გაგზავნიდან მომდევნო კალენდარულ დღეს.

5.3. მხარეთა შორის კომუნიკაცია ხორციელდება ქართულ ენაზე, ამასთან, ბანკი უფლებამოსილია მენაბრესთან კომუნიკაცია განახორციელოს მენაბრისთვის მისაღებ სხვა ენაზეც.

5.4. ბანკი უფლებამოსილია განახორციელოს მენაბრესთან კომუნიკაცია სხვადასხვა მიზნით. შესაბამისად, მენაბრისთვის გასკუთვნილი შეტყობინება (როგორც წერილობითი ასევე ზეპირი) შესაძლოა ატარებდეს (ა) საინფორმაციო/ტრანზაქციულ (მაგალითად ინფორმაცია მენაბრის ანგარიშზე შესრულებული ოპერაციების შესახებ, წვდომის კოდების მენაბრისთვის მიწოდება და სხვა), (ბ) სახელმეურულო-ვალდებულებით (მაგალითად, ვალდებულების შესრულების მოთხოვნა და სხვა), (გ) მარკეტინგულ (მაგალითად, ახალი ანაზრის ან სხვა პროდუქტის შეთავაზება და სხვა) ან/და კანონმდებლობით განსაზღვრულ შინაარსს.

5.5. ბანკი უფლებამოსილია მენაბრესთან კომუნიკაციისას გამოიყენოს ბანკი მენაბრის, ან მისი თანხმობით მესამე პირების მიერ მენაბრის შესახებ დაფიქსირებული ნებისმიერი საკონტაქტო მონაცემი. ერთი სახელმეურულო ურთიერთობის ფარგლებში დაფიქსირებული მენაბრის ან/და მესამე პირ(ებ)ის საკონტაქტო მონაცემები (მიუხედავად იმისა მოქმედის თუ არა აღნიშნული ხელშეკრულება), ბანკის მიერ შესაძლებელია გამოიყენებული იქნას, ამავე ან/და ბანკის სხვა მენაბრის ბანკთან არსებული სხვა სახელმეურულო ურთიერთობის ფარგლებში კომუნიკაციის მიზნით და პირიქით.

5.6. მენაბრე თავად არის პასუხისმგებელი იმ შედეგებზე, რაც შეიძლება გამოწვეული იყოს საკონტაქტო მონაცემების გამოყენებისას კონფიდენციალურობის დარღვევის შედეგად. თუ მენაბრეს არ სურს ბანკმა ისარგებლოს რომელიმე საკონტაქტო მონაცემით, მენაბრემ აღნიშნული მოთხოვნით ბანკს უნდა მიმართოს წერილობით.

6. კონფიდენციალურობა

6.1. ხელშეკრულების ხელმოწერის ან/და მისი შესრულების შედეგად ერთ-ერთი მხარის მიერ მეორე მხარის შესახებ მიღებული, დამუშავებული, შექმნილი ან/და გაგზავნილი ნებისმიერი ინფორმაცია/დოკუმენტაცია (მათ შორის ინფორმაცია/დოკუმენტაცია მხარის პერსონალური და ფინანსური მონაცემების შესახებ) ან/და სხვა მნიშვნელოვანი ინფორმაცია/დოკუმენტაცია განკუთვნილია კონფიდენციალურ ინფორმაციას (შემდგომში - კონფიდენციალური ინფორმაცია).

6.2. მხარე ვალდებულია, როგორც ხელშეკრულების მოქმედების ვადაში, ასევე სახელმეურულო ურთიერთობის დასრულების შემდეგაც, არ გაამჟღავნოს ან/და მესამე პირ(ებ)ს არ გადასცეს კონფიდენციალური ინფორმაცია.

6.3. კონფიდენციალურ ინფორმაციას არ განეკუთვნება: (ა) ინფორმაცია რომელიც კანონმდებლობის საფუძველზე არის/გახდება საჯარო; (ბ) ინფორმაცია, რომლის გამჟღავნების თაობაზეც არსებობს კონფიდენციალური ინფორმაციის მესაკუთრე მხარის წინასწარი წერილობითი თანხმობა ან/და მხარეთა შეთანხმება; (გ) ინფორმაცია, რომლის გამჟღავნებაც განხორციელდება, კანონმდებლობით გათვალისწინებულ შემთხვევებში, მათ შორის მესამე პირ(ებს)ის კანონიერი მოთხოვნის დაკმაყოფილების შედეგად.

6.4. მეანაბრე ბანკს ანიჭებს უფლებამოსილებას, ფინანსური ან/და საინფორმაციო-ანალიტიკური მონაცემების შერეობების მიზნით, მესამე პირ(ებს)ს გადასცეს ან/და მესამე პირ(ებს)ისაგან (მათ შორის ს.ს.ი.პ. სახელმწიფო სერვისების განვითარების სააგენტო და სხვა) მიიღოს, მეანაბრის შესახებ არსებული კონფიდენციალური ინფორმაცია.

7. ხელშეკრულების ცვლილება

7.1. ხელშეკრულების მნიშვნელოვანი პირობების ცვლილების შემთხვევაში, მეანაბრის ინფორმირება მოხდება ცვლილებამდე არანაკლებ 2 (ორი) თვით ადრე, ხოლო სხვა საფინანსო პროდუქტის ვალის ზრდის შემთხვევაში - არანაკლებ 1 (ერთი) თვით ადრე წერილობით / ელექტრონული ფოსტით / ინტერნეტ ბანკით / მობაილ ბანკით ან მოკლე ტექსტური შეტყობინებით გაგზავნილი შეტყობინების საფუძველზე. ამასთან წინასწარი გაფრთხილების ვალდებულება არ ვრცელდება ისეთ შემთხვევებზე, როდესაც:

- 7.1.1. ხელშეკრულებით ან პირობებით განსაზღვრული მომსახურების ტარიფების ცვლილება ხორციელდება მეანაბრის სასარგებლოდ;
- 7.1.2. ხელშეკრულებაში ან პირობებში ხორციელდება ახალი პროდუქტის ან დამატება ან არსებულის შეცვლა, რომელიც არსებითად არ ანაცვლებს ან/და არ ცვლის ხელშეკრულებაში ან/და პირობებში არსებულ მომსახურებებს.

7.2. ბანკი უფლებამოსილია ხელშეკრულების მოქმედების ნებისმიერ ეტაპზე, საკუთარი შეხედულებისამებრ, ცალმხრივად (მეანაბრის დამატებითი თანხმობის გარეშე) შეცვალოს ხელშეკრულებით განსაზღვრული პირობები, მათ შორის საპროცენტო განაკვეთი, შემდეგი გარემოებებიდან ერთ-ერთის ან რამდენიმის არსებობისას: ა) კანონმდებლობაში, რაც შეზღუდვის გარეშე მოიცავს საქართველოს ეროვნული ბანკის მიერ გაცემულ მითითებებს, განხორციელებული ცვლილებების გამო ბანკს დაეკისრება ვალდებულებ(ებ)ი (როგორც ფინანსური, ასევე არაფინანსური), რის გამოც ბანკისთვის ანაბარზე ხელშეკრულებით განსაზღვრული საპროცენტო სარგებლის დარიცხვა დაკავშირებული იქნება დამატებით ხარჯებთან; ბ) განხორციელდება ეკონომიკური ფაქტორების იმგვარი ცვლილება, რომ ანაბარზე ხელშეკრულებით განსაზღვრული საპროცენტო სარგებლის დარიცხვა შესაძლებელია საფრთხე შეუქმნას ბანკის ფინანსურ სტაბილურობას; გ) ბანკის ან/და მეანაბრის ფინანსური მაჩვენებლების გათვალისწინებით, ბანკისთვის არ არის ფინანსურად მომგებიანი ანაბარზე ხელშეკრულებით გათვალისწინებული საპროცენტო სარგებლის დარიცხვა; დ) მეანაბრის მიერ ბანკის საბანკო პროდუქტებით/მომსახურებით სარგებლობის ანალიზის საფუძველზე შეაძლებელია საფრთხე შეუქმნას ბანკის საბანკო პროდუქტებით/მომსახურებით სარგებლობის ინტენსივობა არ არის ხელშეკრულებით გათვალისწინებული საპროცენტო სარგებლის თანაზომიერი; ე) ბანკის მიმდინარე პოლიტიკის, შიდა დოკუმენტების, პროცესების ან/და ბიზნეს ინტერესების ცვლილების გამო, აუცილებელია ხელშეკრულების პირობების (მათ შორის საპროცენტო განაკვეთის) ცვლილება;

7.3. ხელშეკრულების სხვა პირობების ცვლილება შესაძლებელია განხორციელდეს განახლებული პირობების წინასწარ 15 (თხუთმეტი) კალენდარული დღით ადრე ბანკის ვებ-გვერდზე ხელმისაწვდომად გახდომის გზით.

7.4. თუ მეანაბრე არ დაეთანხმება ბანკის მიერ შეცვლილ პირობებს, იგი ვალდებულია ცვლილებების ძალაში შესვლამდე წერილობით აცნობოს აღნიშნულის შესახებ ბანკს. წინააღმდეგ შემთხვევაში ჩაითვლება, რომ მეანაბრე ეთანხმება განხორციელებულ ცვლილებებს.

7.5. ცვლილებების მიღებაზე უარის დაფიქსირების შემთხვევაში, მეანაბრე უფლებამოსილია მოითხოვოს ხელშეკრულების დაუყოვნებლივ შეწყვეტა. ამასთან, თუ ასეთი მოთხოვნა არ არის დაფიქსირებული მეანაბრის მხრიდან განცხადებაში, ბანკი უფლებამოსილია თავად შეწყვიტოს ხელშეკრულების მოქმედება ცვლილებების ამოქმედების თარიღიდან.

8. პრეტენზიები და დავები

8.1. ხელშეკრულებიდან გამომდინარე ყველა დავა უნდა გადაწყდეს მხარეთა შორის მოლაპარაკების გზით.

8.2. დავის მოუგვარებლობის შემთხვევაში, მხარეები მიმართავენ სასამართლოს ბანკის ადგილსამყოფელის მიხედვით.

8.3. მეანაბრე უფლებამოსილია, გაწეულ საბანკო მომსახურებასთან დაკავშირებით პრეტენზიის არსებობის შემთხვევაში, პრეტენზიის წარმომობიდან 30 (ოცდაათი) კალენდარული დღის განმავლობაში, აცნობოს ბანკს აღნიშნულის შესახებ ზეპირი ან წერილობითი ფორმით ბანკის ფლიდალენსში ან/და სერვის-ცენტრების მეშვეობით, ან/და ელექტრონული ფორმით ბანკის კორპორატიული ვებ გვერდის www.libertybank.ge ან/და ელ-ფოსტა ConsumerProtection@lb.ge საშუალებით, ხელშეკრულებით განსაზღვრული წესით, ბანკში დადგენილი პროცედურის შესაბამისად.

8.4. ბანკის მიერ პრეტენზიის განხილვის და შესაბამისი პასუხის მიღების მაქსიმალური ვადა შეადგენს 1 (ერთი) თვეს.

8.5. მეანაბრეს შესაძლებლობა აქვს გაეცნოს ბანკის მიერ პრეტენზიების განხილვის პროცედურას ბანკის ვებ-გვერდის <http://libertybank.ge> საშუალებით.

9. ფორს-მაჟორი

9.1. მხარე არ არის პასუხისმგებელი მის მიერ ხელშეკრულებით ნაკისრი ვალდებულებების შეუსრულებლობაზე ან/და არაჯეროვან შესრულებაზე, თუ აღნიშნული შეუსრულებლობა ან/და არაჯეროვანი შესრულება განპირობებულია ფორს-მაჟორული გარემოებ(ებ)ის მოქმედების შედეგად.

9.2. ფორს-მაჟორის მოქმედების განმავლობაში, ხელშეკრულებით გათვალისწინებული ვალდებულებები და მათი შესრულების ვადები შეჩერდება და გადაადგება ფორს-მაჟორის ხანგრძლივობის შესაბამისად. აღნიშნული ვადების დინება ან/და ვალდებულებების შესრულების პირობა განახლებება ფორს-მაჟორული გარემოებ(ებ)ის აღმოფხვრისთანავე.

10. გადასახადები

10.1. მეანაბრე თავად არის პასუხისმგებელი სახელმწიფო თუ სხვა ორგანოსთვის საგადასახადო განაცხადის შეტანაზე. მეანაბრე აგრეთვე თავად არის პასუხისმგებელი გადახადოს ნებისმიერი გადაუხდეელი გადასახადი (ყოველგვარი შეზღუდვის გარეშე მოიცავს სამომსახურო გადასახადს, დამატებული ღირებულების გადასახადს), ზეგარა, საბანკო გადასახადს, რომელიც შეიძლება დაწესდეს ნებისმიერ ვალდებულებაზე, რომელიც შეიძლება წარმოიშვას წინამდებარე ხელშეკრულებით განსაზღვრული ნებისმიერ ან ყველა საბანკო მომსახურებასთან მიმართებაში (ერთად, "საგადასახადო ვალდებულება").

10.2. ბანკი თავად იქნება პასუხისმგებელი ნებისმიერი გადასახადის გადახდაზე ან ვალდებულებაზე, რომელიც დაკავშირებულია მეანაბრისაგან მიღებულ საკომისიო თანხასთან. თუ კანონმდებლობით გათვალისწინებულია, რომ ნებისმიერი საგადახადო ვალდებულება უნდა შესრულდეს თანხების დაკავების გზით, ბანკი ან/და ნებისმიერი მფლობელი/ფილიალური კომპანია ამგვარი თანხის გადახდას მოახდენს მეანაბრის ხარჯზე ან/და მეანაბრის ანგარიშიდან თანხის უაქცეზოდ ჩამოკრის გზით, რის თაობაზეც ბანკი უფლებამოსილი იქნება მიაწოდოს ინფორმაცია მეანაბრეს. თუ კანონის შესაბამისად ბანკს ეკისრება რაიმე გადასახადი ან ჯარიმა მეანაბრის საგადასახადო ვალდებულების გამო, მეანაბრე დაუყოვნებლივ აუნაზღაურებს ბანკს ყველა ამგვარ ვალდებულებას იმ შემთხვევის გარდა, როდესაც ამგვარი გადასახადის ან ჯარიმის დაწესება გამოწვეულია ბანკის რომელიმე ქვედანაყოფის დაუდევრობით, სამსახურებრივი გულგრილობით ან გამიზნული ქმედებით.

10.3. ბანკი ვალდებულია შესაბამისობაში იყოს მხოლოდ საქართველოს კანონმდებლობით და საგადასახადო კოდექსით გათვალისწინებულ მოთხოვნებთან. საქართველოს კანონმდებლობასთან ერთად მეანაბრე უნდა დააკმაყოფილოს სხვა შესაბამისი ქვეყნის საკანონმდებლო მოთხოვნები (მოიცავს იმ ქვეყნის კანონმდებლობას, რომლის მოქალაქეც არის მეანაბრე ან რომელ ქვეყანაშიც ცხოვრობს).

11. დასკვნითი დებულებები

11.1. თუ ანაბრის დაბრუნების ან/და მასზე დარიცხული სარგებლის ანაბრის მომსახურე ანგარიშზე განთავსების თარიღი ემთხვევა არა საბანკო დღეს, მეანაბრის მიერ თანხის გატანა (გადარიცხვა) განხორციელდება მომდევნო საბანკო დღეს.

11.2. მეანაბრე ვალდებულია დაიცავს საიდენტიფიკაციო მონაცემების (მათ შორის წვდომის კოდების) კონფიდენციალურობა. მეანაბრე ადასტურებს და იღებს ვალდებულებას, დაუყოვნებლივ შეატყობინოს ბანკს მობილური ტელეფონის ან/და მისი (მობილური ტელეფონის) ნომრის დაკარგვის, მეანაბრის მიერ ტელეფონის ნომრის მფლობელობის გაუქმების, გასხვისების, სხვისთვის გადაცემის ან/და სხვა ისეთი ცვლილების შესახებ, რამაც შეიძლება გავლენა მოახდინოს ბანკის მიერ მეანაბრისთვის მომსახურების უსაფრთხო მიწოდებაზე.

11.3. ბანკი არ არის პასუხისმგებელი მეანაბრის მიერ ბანკში დაფიქსირებული მობილური ტელეფონის ნომრის შეცვლის, გასხვისების, მობილური ტელეფონის ან სიმ-ბარათის დაკარგვის, სხვისთვის გადაცემის და ნებისმიერი მსგავსი ვითარების შედეგად გამოწვეულ შედეგებზე. ხელშეკრულების რომელიმე მუხლ(ებ)ის, პუნქტ(ებ)ის ან/და ქვეპუნქტ(ებ)ის კანონმდებლობის საფუძველზე ბათილად ცნობის/მალიდაკარგულად გამოცხადების შემთხვევაში დანარჩენი მუხლ(ებ)ი, პუნქტ(ებ)ი, ქვეპუნქტ(ებ)ი ინარჩუნებენ იურიდიულ ძალას.

11.4. დაუშვებელია ხელშეკრულებაში ხელით (მათ შორის კალმით ან/და სხვა საწერი საშუალებებით) რაიმე სახის ჩასწორების/კორექტირების შეტანა, ნებისმიერი ასეთი სახის ჩასწორება/კორექტირება ჩაითვლება ბათილად და ვერ მოახდენს გავლენას ხელშეკრულების პირობ(ებ)ის ინტერპრეტაციაზე.

11.5. მეანაბრე არ არის უფლებამოსილი ბანკის წინასწარი წერილობითი თანხმობის გარეშე მესამე პირ(ებს) სრულად ან ნაწილობრივ დაუთმოს ხელშეკრულებით მინიჭებული უფლებები ან/და ხელშეკრულებით ნაკისრი ვალდებულებები. ამასთან, ბანკი მიუხედავად აღნიშნული პირობისა

უფლებამოსილია საკუთარი შეხედულებისამებს **მესამე პირებისაგან** მიიღოს **ხელშეკრულებით** განსაზღვრული ვალდებულების შესრულება.

11.6. **ბანკი** უფლებამოსილია, **მენაბრის** წინასწარი წერილობითი თანხმობის გარეშე **მესამე პირ(ებ)ს** სრულად ან ნაწილობრივ დაუთმოს **ხელშეკრულებით** მინიჭებული უფლებები ან/და **ხელშეკრულებით** ნაკისრი ვალდებულებები.

11.7. **ხელშეკრულების** პირობების მოქმედება სრულად ვრცელდება **მხარეებზე**, მათ თანამშრომლებზე, წარმომადგენლებზე, სამართალმემკვიდრეებსა და უფლებამონაცვლეებზე.

11.8. **ხელშეკრულება** რეგულირდება და განიმარტება **კანონმდებლობის** შესაბამისად. იმ შემთხვევებში, რომლებიც არ არის გათვალისწინებული **ხელშეკრულებით**, **მხარეები** იხელმძღვანელებენ **კანონმდებლობით** დადგენილი შესაბამისი ურთიერთობის მარეგულირებელი ნორმებით ან/და დამატებით შეთანხმებული პირობებით. ამასთან, **მხარეები** თანხმდებიან, რომ **ხელშეკრულების** შესრულების ადგილად მიიჩნევა **ბანკის** ოფისიური მისამართი.

11.9. **მენაბრეს** არ აქვს უფლება უარი თქვას **დეპოზიტის ხელშეკრულებაზე** საქართველოს ეროვნული ბანკის პრეზიდენტის 2021 წლის 9 მარტის №32/04 ბრძანებით დამტკიცებული „ფინანსური ორგანიზაციების მიერ მომსახურების გაწევისას მომხმარებელთა უფლებების დაცვის წესის“ მიხედვით.

11.10. **ბანკის** მიერ **ხელშეკრულებით** გათვალისწინებული ნებისმიერი უფლებ(ებ)ის (მათ შორის **მენაბრის** მიერ **ხელშეკრულებიდან** ან/და **კანონმდებლობიდან** გამომდინარე ვალდებულებების დარღვევისას წარმოშობილი უფლებ(ებ)ის) გამოუყენებლობა არ წარმოადგენს ამ უფლებებზე **ბანკის** მიერ უარის თქმის საფუძველს. ამასთან, ნებისმიერი და ყოველი უფლება, რომელიც მიენიჭება **მხარეს** მეორე **მხარის** მიერ **ხელშეკრულების** ან/და **კანონმდებლობის** სრულად ან ნაწილობრივ დარღვევის შედეგად, კრებითა და დამატება **ხელშეკრულებით** ან/და **კანონმდებლობით** მინიჭებულ ყველა სხვა უფლებას.

11.11. **ხელშეკრულებაში** არსებული მუხლ(ებ)ი/პუნქტ(ებ)ი/ქვეპუნქტ(ებ)ი დანომრილი და დასათაურებულია, ხოლო გამუქებული სიტყვები მოცემულია **ხელშეკრულების** შინაარსის მოხერხებულად აღქმის მიზნით და არ ახდენს გავლენას **ხელშეკრულების** პირობ(ებ)ის ინტერპრეტაციაზე.

11.12. **ხელშეკრულება** შედგენილია ქართულ ენაზე, რომლის **სტანდარტული პირობებიც** განთავსებულია **მენაბრისათვის** ხელმისაწვდომ **ელექტრონულ არხში**. **ბანკის** სურვილის შემთხვევაში **ხელშეკრულება** დამატებით შესაძლოა დაიდოს სხვა ენაზეც. ამ შემთხვევაში ქართულ ენაზე შედგენილ **ხელშეკრულებას** და მის **სტანდარტულ პირობებს** უპირატესობა მიენიჭება სხვა ენაზე შედგენილ **ხელშეკრულებასთან** და მის **სტანდარტულ პირობებთან** მიმართებაში.

„დეპოზიტების დაზღვევის სისტემის შესახებ“ საქართველოს კანონის შესაბამისად, 2026 წლის პირველი აპრილიდან, ყველა დეპოზიტორის დეპოზიტზე/ანგარიშზე არსებული თანხა, დეპოზიტების/ანგარიშების რაოდენობის მიუხედავად, თითოეულ კომერციულ ბანკში და მიკრობანკში დაზღვეულია და დეპოზიტების დაზღვევის სააგენტოს მიერ ანაზღაურდება 50,000 ლარის ფარგლებში. კომერციულ ბანკში და მიკრობანკში ყველა დეპოზიტორის ყველა ანგარიშზე არსებული თანხა ავტომატურად დაზღვეულია დამატებითი საზღაურის გარეშე. დამატებითი ინფორმაცია იხილეთ დეპოზიტების დაზღვევის სააგენტოს ვებგვერდზე: www.diagency.ge

სს „ლიბერთი ბანკი“ წარმოადგენს ლიზენცირებულ ფინანსურ ინსტიტუტს და მოქმედებს 2010 წლის 31 მარტს საქართველოს ეროვნული ბანკის მიერ გაცემული #0110247 ლიცენზიის საფუძველზე;

სს „ლიბერთი ბანკის“ სათავო ოფისი მდებარეობს ქ. თბილისში, ჭავჭავაძის გამზ. #74-ში, 0162. დეტალური ინფორმაცია სს „ლიბერთი ბანკის“ მომსახურების პირობების და მომსახურების ობიექტების შესახებ ხელმისაწვდომია ბანკის ვებ-გვერდზე <http://libertybank.ge>;

სს „ლიბერთი ბანკის“ საზედამხედველო ორგანოს წარმოადგენს საქართველოს ეროვნული ბანკი, რომლის შესახებაც დეტალური ინფორმაცია შეგიძლიათ იხილოთ შემდეგ ვებ გვერდზე - <http://nbg.gov.ge>;

საქართველოს ეროვნული ბანკი არც ერთ შემთხვევაში არ არის პასუხისმგებელი სს „ლიბერთი ბანკის“ მიერ ვალდებულებების არაჯეროვან შესრულებაზე.